

**ԵՂԵԳՆՈՒՏ ՀԱՄԱՅՆՔԻ 2020 ԹՎԱԿԱՆԻ ԲՅՈՒՋԵԻ ԿԱՏԱՐՄԱՆ ՏԱՐԵԿԱՆ
ՀԱՇՎԵՏՎՈՒԹՅԱՆ ԵՎ ԶԱՐԳԱՑՄԱՆ ԾՐԱԳՐԻ ԻՐԱԿԱՆԱՑՄԱՆ ՄԱՍԻՆ**

Հարգելի մասնակիցներ, ինչպես գիտեք ես որպես համայնքի ղեկավար եմ ընտրվել 2019թ.-ի սեպտեմբերի 29-ին, լիազորություններս ստանձնել եմ հոկտեմբերի 28-ին: Իմ աշխատած ժամանակահատվածում ծանոթանալով 2019թ.-ի տնտեսական տարում համայնքապետարանի կատարած աշխատանքներին, համառոտ Ձեզ կներկայացնեմ հաշվետվություն:

Հաշվետու տարում համայնքապետարանի կատարած աշխատանքները հիմնականում ունեցել են 2 ուղղություն. առաջինը ֆինանսական գործունեությունն է, կապված բյուջեի ձևավորման և ֆինանսական միջոցների ճիշտ տեղաբաշխմանը ըստ հողվածների: Երկրորդ ուղղությունը համայնքի սոցիալ-տնտեսական խնդիրների լուծման հիմնահարցերն է:

2020թ.-ի համայնքապետարանի բյուջեն կազմելիս հաշվի է առնվել երկու կարևոր հանգամանք: Դա բյուջեի եկամտային և ծախսային բաժինների ֆինանսական ռեալ միջոցների բաշխումն է ըստ հողվածների, որը և հիմք է հանդիսանում ամբողջ տարվա ընթացքում համայնքապետարանի ֆինանսական գործունեության խելամիտ և արդյունավետ կազմակերպմանը: Բյուջեն կազմելիս հիմք է հանդիսացել երկու կարևոր ֆինանսական բաղադրիչներ: Այդ բաղադրիչներից առաջինը սեփական եկամուտների հավաքագրումն է, և երկրորդը պետության կողմից հատկացվող դոտացիան: 2020թ.-ին համայնքապետարանի բյուջեի եկամուտները կազմել է 30808,5 (երեսուն միլիոն ութ հարյուր ութ դրամ) հազար դրամ, որից դոտացիա՝ 19927,6 հազար դրամ, սեփական եկամուտներ՝ 4039,5 հազար դրամ:

Համայնքապետարանի առաջնահերթ խնդիրներից ամենակարևորը ֆինանսական առումով հարկատեսակների հավաքագրումն է: Դա հողի հարկն է, գույքահարկը և վարձավճարների գանձումը ըստ ամիսների, եռամսյակների: Տարվա ընթացքում ըստ հարկատեսակների բյուջեով պլանավորված է եղել.

1. հողի հարկ – 1332,1 հազար դրամ, կատարման տոկոսը 104
2. գույքահարկ – 1865,4 հազար դրամ, կատարման տոկոսը 99,2
3. վարձավճար – 505.3 հազար դրամ, կատարման տոկոսը 95,5
4. տեղական տուրք – 34.0 հազար դրամ, կատարման տոկոսը 470,6

5. տեղական վճար – 300.0 հազար դրամ, կատարման տոկոսը 58,6

Հարկային պարտավորությունները տարվա կտրվածքով կատարվել է 100%-ով:

Որպես աշխատավարձ բյուջեով հատկացվել է 13370,0 հազար դրամ, դրանից վճարվել է 13229,3 հազար դրամ: Տնտեսվել է շուրջ 140,7 հազար դրամ: Մանկապարտեզին որպես դրամաշնորհ պլանավորվել է հատկացնել 5570,0 հազար դրամ՝ անձնակազմին աշխատավարձ վճարելու համար, փաստացի օգտագործվել է 5168,4 հազար դրամ: Դրամական հատկացումներ են կատարվել կապի, էներգետիկ, համակարգչային, լրատվական և այլ ծառայությունների համար: Վճարվել է նաև օգնություն սոցիալապես անապահով ընտանիքներին:

1. Սոցիալապես անապահով ընտանիքներին օգնություն – 550,0 հազար դրամ, վճարվել է 300,0 հազար դրամ:

Տարվա ընթացքում բյուջեի վարչական ծախսերից տնտեսվել է շուրջ 3618,2 հազար դրամ, որը տարվա վերջում փոխանցվել է ֆոնդային բյուջե:

2020թ.-ի ընտացքում համայնքի նորակառույց ժամանցի սրահի համար բյուջեի ֆինանսական միջոցներով ձեռք է բերվել խոհանոցի կահույք, լույսի և գազի թույլտվություն և սեփականության վկայական:

Հաշվետու տարում թե վարչական, և թե ֆոնդային բյուջեների հետ կապված խնդիրներ չենք ունեցել: Ֆինանսական բոլոր հարցերը համաձայնեցվել է մարզպետարանի ֆինանսա-տնտեսական վարչության հետ, հաստատվել ավագանու կողմից:

Հավաքագրված հարկային եկամուտները ժամանակին մուծվել է բանկ: Ոչ համայնքապետարանի, ոչ էլ մանկապարտեզի աշխատավարձի պարտքեր չունենք: Այսքանը մեր կողմից կատարած ֆինանսական գործունեության մասին:

Այժմ ուզում եմ մի քանի խոսքով Ձեզ ներկայացնել համայնքի սոցիալական խնդիրների ուղղությամբ կատարված աշխատանքները:

Համայնքապետարանի աշխատակազմի և ավագանու նախաձեռնությամբ 2020թ.-ին որոշ աշխատանքներ են կատարվել սուբվենցիոն ծրագրով «Կառնուտ» ջրագծի վերանորոգման ուղղությամբ, վարձատրվող հասակարական աշխատանքով վերանորոգվել է համայնքի կենտրոնում գտնվող հուշաղբյուրը, բարեկարգվել է հարակից տարածքը, կառուցվել է տաղավար, մասնակի ցանկապատվել է համայնքի գերեզմանը, կատարվել են նաև այլ սոցիալական և կենցաղային խնդիրների ուղղությամբ աշխատանքներ: Այդ աշխատանքներում ներգրավվել են համայնքի բնակիչները, ովքեր ապահովվել են ժամանակավոր վարձատրվող աշխատանքով: Նշված աշխատանքները կատարվել են համայնքապետարանի ֆինանսական միջոցների ներդրմամբ՝

1. ջրագիծ 8320,0 հազար դրամ, որից 3328,0 հազար դրամ համայնքային ներդրում, 4992,0 հազար դրամ սուբվենցիա
2. գերեզմանի ցանկապատում - 348,0 հազար դրամ համայնքի միջոցներ
3. հուշաղբյուրի վերանորոգում 1849,51 հազար դրամ, որից 1500,0 հազար դրամ պետ.բյուջեից, 349,51 հազար դրամ համայնքի միջոցներից:

Հատուկ ուշադրություն է դարձվում մանկապարտեզի բնականոն գործունեությանը: 2020թ.-ին համայնքապետարանի մշակութային միջոցառումների համար հատկացված գումարից համայնքի 0-6 տարեկան բոլոր երեխաներին տրվել է ամանորյա տոպրակներ: Իսկ դպրոցի 1-7 դասարանների երեխաների համար բարերարների միջոցով կազմակերպվել է էքսկուրսիա դեպի Երևան և միջոցառում, որի ընթացքում բոլոր երեխաներին տրվել են ամանորյա նվերներ, իսկ սույն թվականի հունվար ամսում համայնքի 0-17 տարեկան շուրջ 150 երեխաների տրվել է ծմեռային հագուստ և յուրաքանչյուրին 5000 ական դրամ, 25 միայնակ ապրող ծերերի տրվել է առնվազն մեկ տարվա սննդամթերք:

Համայնքապետարանի աշխատակազմը ներկայումս ապահովված է համակարգչային ծառայության ամենամանրագույն միջոցներով: Աշխատակազմը սերտ աշխատանքային համագործակցության մեջ է մարզի բոլոր տարածքային ծառայությունների հետ: Առաջին հերթին մարզպետարանի, նրա վարչությունների և բաժինների, ոստիկանության, զինկոմիսարիատի, արտակարգ իրավիճակների, սոցիալական ծառայության, համաճարակային կենտրոնի և այլ ծառայությունների հետ:

Համայնքապետարանի աշխատակազմը միշտ էլ ուշադիր է բնակչության կողմից տրվող դիմումների և բողոքների նկատմամբ: Դրանք ժամանակին քննարկվում են և տրվում համապատասխան լուծում կամ որոշում: 2020թ.-ին ունեցել ենք համայնքի ղեկավարի 44 որոշում, 88 կարգադրություն, ավագանու 10 նիստ՝ 25 որոշում: Ավագանին միշտ ակտիվ է եղել համայնքի առջև դրված խնդիրների քննարկման, դրանց առաջնահերթության որոշման, ճիշտ ու ժամանակին լուծման գործում:

2020թ.-ին համայնքում գրանցվել է 9 ծնունդ, 11 մահ:

Հարգելի մասնակիցներ բոլորս ցավով ենք հիշում 2020թ.-ի սեպտեմբերի 27-ին Ադրբեջանի կողմից սանձազերծված պատերազմը: Առաջին իսկ օրերին իմ գլխավորությամբ կազմեց կամավորների ջոկատ՝ համայնքի մի շարք տղամարդկանց հետ, մասնակցեցինք պատերազմին, ցավոք սրտի համայնքում ունենք 1 անհետ կորած և մեկ վիրավոր: Մեր միջնորդությամբ բարերարների կողմից նրանց ընտանիքներին տրվել է դրամական և նյութական օգնություն, որը կրում է շարունակական բնույթ:

Համայնքի բնակչությանը տրվել է օգնություն սննդամթերքի, կենցաղային պարագաների և հագուստի տեսքով:

Այժմ մի քանի խոսք ընթացիկ 2021թ.-ի անելիքների մասին:

Համայնքի բյուջեի միջոցներով ընթացքի մեջ է համայնքապետարանի շենքի վերանորոգումը:

2021թ.-ին վարձատրվող հասարակական աշխատանքով կկառուցվի ֆուտբոլի դաշտ, կբարեկարգվի և կցանկապատվի խաղահրապարակի տարածքը: Այս աշխատանքների շրջանակում ժամանակավոր աշխատատեղ կունենան համայնքի մի քանի բնակիչներ:

2021թ.-ին համայնքի նորակառույց ժամանցի սրահի համար նախատեսվում է ձեռք բերել անհրաժեշտ գույքի մի մասը:

2020թ.-ին նախատեսված էր համաշխարհային բանկի ֆինանսավորմամբ ասֆալտապատելու ներհամայնքային ճանապարհը՝ մոտ 3կմ: Սակայն ինչպես գիտեք Կորոնավիրուսի և պատերազմի պատճառով այն չի իրականացվել, նախատեսվում է աշխատանքները սկսել 2021թ.-ին:

Այժմ խնդիր ունենք սար բարձրացող ճանապարհի վերանորոգման հետ:

Աշխատանքներ են տարվում լուծելու համայնքի աղբահանության հարցը:

Համայնքապետարանի բյուջեի միջոցներով 2021թ.-ին նախատեսվում է լուծել համայնքի փողոցային լուսավորության խնդիրը:

Համայնքապետարանի միջնորդությամբ բարերարների կողմից համայնքի շուրջ 18 անապահով ընտանիքի կտրամադրվի խոշոր եղջերավոր անասուն, էլեկտրական սարքավորումներ և սննդամթերք: Դպրոցական երեխաներ ունեցող 3 անապահով ընտանիքների տրվելու է համակարգիչներ:

Անապահով ընտանիքներին հատկացվող օգնությունները կունենան շարունակական բնույթ:

Սրանով վերջացնում եմ Ձեզ ներկայացվող հաշվետվությունս, իսկ Ձեր մասնակցության համար հայտնում իմ խորին շնորհակալությունը:

Համայնքի ղեկավար՝



Ս.Հակոբյան

